



«ՅՈՒՐԱՔԱՆՉՅՈՒՐ ՀԱՅ ԳՈՐԾԱՐԱՐ 100 ԴՈՒԱՐ «ՆՈՐ ՀԱԼԵՊ»-ԻՆ»

ՆՈՐՈՒԹՅՈՒՆՆԵՐ »	ՀՈՂԱԾՄԵՐ	ՀԱՐՑԱԶՐՈՒՅՑՆԵՐ	ԱՆՀԱՏՆԵՐ »	ՀԱՅԿԱՎՅԱԼ ՍՓՅՈՒՌ	ՏՈՒՍՅՈՒԹՅՈՒՆ »	ԱՅԼ »
-----------------	----------	----------------	------------	------------------	----------------	-------

21/01/2015 | Հասարակություն | Գլխավոր Ցեղասպանության 100-ամյա փառատոնի 100-ամյա փառատոնը | No comments

Երևանում կվերականգնվի Ցեղասպանության մասին առաջին կտավներից մեկը



Հայոց ցեղասպանության մասին բարձրաձայնող առաջին կտավներից մեկը ժամանակավոր հանգրվան է գտել Հայաստանի ազգային պատկերասրահում:

Հայազգի նկարիչ Ալին Ավանեսովի՝ 1914-1915 թթ. ստեղծած «Դարից դար» կտավը Դոնի Ռոստովի «Նոր Նախիջևան» հայկական համայնքային կառույցը վերամշակման և

ցուցադրության համար այսօր հանձնեց Հայաստանի ազգային պատկերասրահին: Ծրագիրն իրականացվում է Դոնի Ռոստովի «Նոր Նախիջևան» հայկական համայնքային կառույցի ջանքերով՝ Երևանի պետական համալսարանի և Հայաստանի ազգային պատկերասրահի հետ համատեղ:

«Այս կտավի կարևորությունն այն է, որ ստեղծվել է հենց Ցեղասպանության իրականացման ընթացքում: Ավանեսովն առաջին անգամ իր նկարը ներկայացրել է Ռուսաստանում 1915 թ-ին, որպեսզի այդ ձևով բարձրացնի Հայոց ցեղասպանության խնդիրը: Նա փորձում էր իր արվեստի միջոցով կասեցնել այդ ամենը», - ասում է ԵՊՀ հայագիտական հետազոտությունների ինստիտուտի փոխտնօրեն Սիեր Հովհաննիսյանը:

Ուղիղ 100 տարվա պատմություն ունեցող կտավը 1972 թ-ին հեղինակի հարազատները հանձնել են Ռոստովի երկրագիտական թանգարանին, սակայն այն մոռացության էր մատնվել: Միայն երկու տարի առաջ հայկական համայնքի ջանքերով սկսվեց փաստաթղթային գործընթացը՝ այն Հայաստան բերելու և վերականգնելու համար:

«Այսօր ներկայացնում ենք 20-րդ դարի մի հրաշալի նկարչի, ով ապրել է Ռոստովում: Մի քանի ամիս առաջ, երբ մենք Ռոստովից Հայաստան բերեցինք Սարյանի և այլ նկարիչների ստեղծագործություններ, ծանոթացանք նաև այս նկարի հետ: Խոստացանք, որ պատկերասրահն անպայման կվերականգնի այս կտավը: Այսօր նեթ այն կհանձնենք մեր ռեստավրացիոն արվեստանոցին», - նշեց Հայաստանի ազգային պատկերասրահի տնօրեն Փարավոն Միրզոյանը:

«Այս կտավը վերականգնելու համար բավականին երկար ժամանակ չէինք կարողանում միջոցներ հայթայթել: Եվ բարեխառափար Հայաստանի ազգային պատկերասրահը մեզ օգնության հասավ ու խոստացավ վերականգնել նկարը՝ պահպանելով պատմականությունը», - ուրախությամբ փաստեց Դոնի Ռոստովի «Նոր Նախիջևան» հայկական համայնքային կառույցի գործադիր տնօրեն Սերգեյ Մայադովը:

Պատկերասրահի ռեստավրատորներից կպահանջվի շուրջ 2 ամիս՝ կտավը վերականգնելու համար: Ապրիլի 24-ին այն ցուցադրության կդրվի հենց պատկերասրահում, ապա Երևանի պետական համալսարանում: Այնուհետև կտավը կվերադարձվի Դոնի Ռոստով և մշտական ցուցադրության կդրվի Հայ-ռուսական բարեկամության թանգարանում:

«Կտավն առաջին անգամ տեսել եմ 2-3 ամիս առաջ Ռոստովում: Այն ծայրահեղ վատ վիճակում է, պետք է տեղափոխենք 2-րդ հիմքի վրա, որպեսզի հնարավոր լինի վերականգնել: Կտավը վերականգնելու համար աշխատելու են շուրջ 8 մասնագետներ», - ասաց պատկերասրահի ռեստավրացիոն բաժնի ղեկավար Բորր Պողոսյանը:

Ալին Ավանեսովը եղել է Դոնի Ռոստովի նկարիչների միության առաջին նախագահը և Հովհաննես Այվազովսկու մտերիմ ընկերներից մեկը: Նա ծնվել է (1883-1966 թթ.) Ռուսաստանի Դոնի Ռոստով քաղաքում: Մանկությունն ու պատանեկությունն անցկացրել է Նոր Նախիջևանում, հաճախել տեղի հայկական հոգևոր վարժարանը: Այս մասին հայտնում են ԵՊՀ լրատվության վարչությունից: